

Танъгъчин экономикаин болн культурин шин өөдлэлтин төлө

Эндр Хальмг танъгъчин партийн организацин конференц эврәннь кōдлмшән эклджәнә. Танъгъчин партийн организац джилә кōдлмшиннь то-дигинь кеджәнә.

Танъгъчин партийн конференц—танъгъчин цуг партийн организацт, куч-кōлсчирт, цуг коммунистирт ик ончта, тодрха ик чиртә йовдл мōн. Конференцин делегатир—партийн организац болгънас сунъгъгдцхәв. Танъгъчин партийн конференц болхин ðмн, цуг эклцин партийн организацсар, цуг районн партийн организацсар, Элст балгъсна партийн организацт, тооцана болн сунъгъврин хургуд, конференц болсн, энъгин коммунистир, партийн организацсиннь кесн кōдлмшиг ик кинән кевәр, шунлттагъар шалгъдж, шуудж хәләцхәлә. Тер хургуд деер, балгъсна болн районн партийн конференц деер, энъгин коммунистирин шунлт, теднә медрлнь, политическ серлнь урдкасн улм ðдлснъ йир тодрха кевәр медгдв.

Танъгъчин партийн конференц деер, КПСС-н Хальмг танъгъчин комитетин доклад сонъсгдхмн. Хальмгин энъшаджу уга ðргн-у теегин олнзусн ðнцгәс ирцхәсн делегатир, танъгъчин партийн конференцин кōдлмшт шунлтта кевәр орлццхадж, кинән кевәр, ик онъгтагъар докладиг сонъсцхадж, танъгъчин партийн организациннь кōдлмшт ямаран дуту-дунд йовдлмуд бәәнә, кеддәд, кучәгдәд уга ямарн кōдлмш бәәнә, тер тоотиг илдкдж, цаарандан кучәх төрмүдиг дигддж, темдгддж авлгънд, дōнъ-нōкд болцхәх гидж тоолх кергтә.

Цуг мана ðнр, ðргн социалистическ Тōрскнд болвчн, телдү мет мана Хальмг танъгъчд чигн, ðнъгрдж йовх 1957 джил, байрта, кесг олн диилврмүдтә джил болв.

Танъгъчин партийн конференц иим сонън сәәхн ончта цагла кедджәнә.

1957 джил тōгсдж йовна. Шин, 1958 джил ургъджана. Иим болсн учрар чигн, нам йириндән чигн, танъгъчин партийн конференц деер, делегатир урднь кегәсн кōдлмшин диг-дарагъинь тоолдж, ирх джил ямаран төрмүд танъгъчин партийн организацин ðмн зөгсджах болна, теругәр күүндвр кецхәхмн.

Онъгрдж йовх 1957 джилд мана орн-нутгт, Алдр Тōрскнәмдн нериг туурулгч кесг-

олн диилврмүд бәргдв, кесг олн сонън, сәәхн темдгтә, ончта йовдлмуд болв.

Социалистическ промышленность, селәнә эдл-аху, культур болвчн, наук болвчн, орн-нутгин харслтин кучн-чидл болвчн, ðнъгрдж йовх джилин саамд лавта кевәр цаарандан бас ðсдж, ðдлв.

Тōрскн наукин техническ диилврнь цуг нарт делкәд цугъараднь сонъсгддж туурв. Газрин хойр дахуль деегшән тәвсн, тедн ода бийнь нисә йовцхана, орчлнъгд ðврмдж болджацхана.

Ни-ниинцнъгъу советск олн келн-әмтсин ðрк-бүлд, хальмг келн-әмтс, танъгъчин партийн организациннь гардврт, ðнъгрсн 1957 джилд шинәс бас зōвәр олн диилврмүд бәрцхәв.

Тәрә хуралгъна кōдлмшиг, государствд буудә, тос, ус, мах, ноос орулдж ðлгъиг—цуг эн тоотар, мана танъгъч зурагъан цаглань кучәдж тōгсәв. Бәәри газрин промышленн предприятияс зурагъан бас кучәцхәв.

Иргч, 1958 джилд, цааранднь танъгъчин экономикаиг болн культуриг улм ðдлүлгъәр ик делгү кōдлмш кегдх зōвтә.

Эн тускар хальмг келн әмтнд, Парть болн Правительств тасрхан уга ик килмджән үзүлнә. 1958 джилд Хальмг танъгъчд государствин ðгчәх дōнъ-нōкдин кемджән, ðнъгрлж йовх джиләр болхла, кесг холван улү.

Партин болн Правительствин үзүлджәх килмджин хәрүд, мана цуг куч-кōлсчнр, танъгъчиннь эдл-ахуг, культуриг, эрдм-сургъулиг улм ðдлүлхин төлө муурлт угагъар ноолццхадж, эврәннь Алдр социалистическ Тōрскндән ик ханлтта элдү сән кōдлмш делгрүлцхәхнь мел лавта.

Парть болн Правительствин тасрхан уга үзүлджәх килмдж, дōнъ-нōкл, Хальмг танъгъчин куч-кōлсчнриг ик гидгәр омгшрулна.

Иргч джилин кōдлмшин агъу урдк джиләр болхла кесг холван ик. Шин, 1958 джилд танъгъчин партийн организацин ðмн, коммунист болгъна ðмн, цуг куч-кōлсчнрин ðмн, эркн чиртә, ик кундтә төрмүд тәвгдлжәнә.

Тер төрмүдиг кучәлгън—партийн организац болгънас цуг мана куч-кōлсчнрәс кецү гидг ниинцлт, ханьцлт, кōдлмшин ик гүдждрлт, шунлт некджәнә.